

Dr Zauberteppich

vum Luca Maurizio – Tempo: 92

Intro und Refrain: G / C / D / G

Das isch d'Gschicht vum Zauberteppich,
dä wo z'Fuass niana mag hiigo.
Är flügt liaber wia-n-as Flugzüg,
allna Vögel hinano.

Strofe: am / em / am / em / bm / am / C / B7

Är flügt über d'Vulkän vu Italia,
villicht bis zu da Känguru nach Australia,
und är will immer wiiter go,
und niemmert weiss, wenn ma hai wird khoo...

Jetzt flügt är no höher als d'Bärga,
über d'Wolka, Richtig Stärna,
aber nachdem sii uf am Mond z'Nacht gässa händ,
isch dr Teppich aifach nümma wittergfloga ... kei Benzin meh!

Intro und Refrain: G / C / D / G

Das isch d'Gschicht vum Zauberteppich,
vum Mond khunnt är nümma davoo.
Jetzt brüalend alli, as isch unerträglich,
nümma z wüssa, wia ma hai söll kho...

Strofe: am / em / am / em / bm / am / C / B7

Aber plötzlich isch as violets UFO glandet
und a grüans Männli isch usakhoo und hät glachet:
„Mit Benzin flücht eura Teppich immer no?
Im Universum kha ma nu mit Sunnastraala witerkhoo!“

Alli händ na agfleht: „Kasch du üüs bitte hälfa?“
Ds Männli hät gsait: „I wärda-n-eu öppis schenka!
I giba-n-eu viar Sunnakollektora,
dia tüan besser als alli Benzinmotora!“

Intro und Refrain: G / C / D / G

Das isch d Gschicht vum Zauberteppich,
dä wo z'Fuass niana mag hiigo.
Jetzt flücht er nu no mit dr Sunna
allna Sterna hinano.

Das isch d'Gschicht vum Zauberteppich,
dä wo z'Fuass niana mag hiigo.
Jetzt schloft er zfrida-n-im alta-n-Estrich
und miar tüand na in Rua lo.